



Finansira  
Evropska unija

PROJEKAT:STUDENTSKOM PRAKSOM BRŽE DO POSLA

## **PROJEKTNI ZADATAK**

Analiza provedenih aktivnosti i rezultata ostvarenih tokom i nakon provođenja projekta, te izrada Evaluacionog izvještaja u skladu s niže navedenim kriterijima evaluacije.

Referentni broj: EUTP-06/21

Datum: 05.11.2021

Udruženje Prava za sve za potrebe projekta *“Studentskom praksom brže do posla”* traži konsultanta\_icu za provođenje postupka sveobuhvatne analize aktivnosti, ciljeva i rezultata i izradu Evaluacijskog izvještaja u okviru implementacije projekta:

***“Education Reform to Secure Youth Employment through Enterprise-based Learning”/“Studentskom praksom brže do posla”***

### **1. UVOD**

Projekat *“Studentskom praksom brže do posla”* odgovara na nedostatak provođenja studentske prakse kao obaveznog i redovnog nastavnog procesa na fakultetima/univerzitetima u BiH zbog čega su studenti lišeni mogućnosti za sticanje potrebnih praktičnih znanja i vještina koje zahtijevaju poslodavci i tržište rada. Projekat jača kapacitete svih relevantnih aktera koji se bave ovim pitanjima za zajedničko djelovanje u zagovaranju za poboljšanje politika i zakonodavstva u oblasti visokog obrazovanja slijedeći dobre prakse i iskustva zemalja EU. Organizacije mladih, akademska i poslovna zajednica, te institucije nemaju dovoljne kapacitete za međusobno povezivanje i pokretanje procesa zagovaranja za promjene politika ili obrazovnog procesa u cilju uvođenja studentske prakse kao sastavnog dijela obrazovnog procesa. Nedostaje i potrebno znanje o evropskim standardima i modelima prakse u zemljama EU koji na najbolji način poboljšavaju znanje i kompetencije studenata. Posljedično tome, civilno društvo ostaje izvan procesa EU integracija u području obrazovanja. Vlasti i donosioci odluka općenito nisu otvoreni za dijalog o ovom pitanju, i donose odluke bez sudjelovanja onih na koje se ovo odnosi, a to su prije svega mladi ljudi, ali i predstavnici akademske i poslovne zajednice. Krajnja posljedica svega je da mladi nemaju priliku da steknu potrebno radno iskustvo, poslodavci ostaju lišeni odgovarajuće radne snage, a stopa nezaposlenosti mladih raste.

### **Metodologija provođenja projekta**

**Umrežavanje**, (upostavljanje ERSE mreže/Edukacija-Reforma-Sigurnost-Egzistencija) kao metod za razmjenu informacija i uspostavljanje dugoročne interakcije, koristit će se za postizanje ciljeva projekta. Projektom se planira provođenje sveobuhvatnog **programa izgradnje kapaciteta** i primjene tako stečenog znanja u praksi. Tako će članovi ERSE mreže biti osposobljeni da zajednički zagovaraju za potrebne promjene u cilju uvođenja redovnih studentskih praksi u obrazovni proces; da učestvuju u medijskim kampanjama kao i da se uključe u proces EU integracija. Kroz iniciranje i **provođenje kampanja zagovaranja i medijskih kampanja** za uvođenje redovnih studentskih praksi u sistem visokog obrazovanja postiže se dodatni potrební pritisak na donosice odluka za otvaranje dijaloga o visokom obrazovanju i usvajanje ciljanih preporuka.

**Opći cilj projekta** je reforma visokog obrazovanja prema EU standardima i omogućavanje studentima da steknu obrazovanje koje im pruža praktične vještine potrebne na tržištu rada u BiH.

Projekat implementiraju



**Specifični ciljevi** su uspostaviti mrežu kao ključni mehanizam društvenih promjena koji povezuje akademsku, poslovnu zajednicu, te studentska udruženja u BiH, te jačanjem kapaciteta mreže i provedbom širokog zagovaranja podržati reformu visokog obrazovanja u skladu sa EU dobrim iskustvima u dijelu koji će osigurati redovno održavanje studentskih praksi i na taj način u konačnici doprinijeti većem zapošljavanju mladih u BiH.

**Provođenje projekta:** Udruženje "Prava za sve" provodi projekat u partnerstvu sa U.G. Budućnost iz Modriče.

**Više o projektu:**

[https://www.euresurs.ba/projekat/studentskom-praksom-brze-do-posla-\(2018.\)/5](https://www.euresurs.ba/projekat/studentskom-praksom-brze-do-posla-(2018.)/5)

<https://pravazasve.ba/bs/>

<https://www.facebook.com/praksomdoposla>

## 2. CILJEVI I OBIM ZADATKA

### 2.1 Svrha angažovanja:

Evaluacija koju provodi odabrani konsultant\_ica analiziraće provedbu aktivnosti, rezultate i ciljeve postignute tokom provođenja projekta u posljednjoj godini implementacije, u skladu s niže navedenim kriterijima evaluacije. Pri tome će uzeti u obzir pojavu COVID 19 i efekta pandemije na provođenje projektnih aktivnosti, te eventualno naučene lekcije. Pored toga, evaluacija će dokumentirati i sažeti sveukupno izvedbu kompletnog perioda trajanja projekta koristeći se pri tome Evaluacijskim izvještajima za prethodni period, te prilikom izrade Evaluacijskog izvještaja sačiniti osvrt i zaključak na cjelokupnu implementaciju projekta, efekte i ostvarene rezultate.

Evaluacija bi trebala nastojati analizirati glavne nalaze vezane za slijedeće ciljeve:

- ✓ Procijeniti uspješnost projekta (tj. u kojoj su se mjeri ostvarili ciljevi projekta)
- ✓ Procijeniti relevantnost projekta (tj. primjerenost aktivnosti i korištenih metoda u odnosu na potrebe i situaciju u BiH)
- ✓ Procijeniti efikasnost projekta (tj. poštivanje planiranog vremenskog okvira i isplativosti aktivnosti)
- ✓ Procijeniti koherentnost projekta (tj. vanjska i unutarnja koherentnost)
- ✓ Procijeniti efekte (odnos pozitivnih i negativnih, primarnih i sekundarnih dugoročnih efekata koje je projekt proizveo, direktno ili indirektno, namjerno ili nenamjerno)
- ✓ Procijeniti održivost projekata (tj. vjerojatnost da će se projekt nastaviti nakon donatorske podrške – financijske, organizacijske, programske);

### 2.2 Rokovi isporuke

- |  |              |
|--|--------------|
| 1. Detaljan plan i metodologija evaluacije | 03.12.2021.  |
| 2. Početni izvještaj                       | 10. 01.2022. |
| 3. Završni Evaluacijski izvještaj          | 24. 01.2022. |

### 2.3 Kvalifikacije konsultanta\_ice

*Kvalifikacije i vještine:*

- Visoko obrazovanje iz oblasti društvenih ili ekonomskih nauka
- Izvrsno poznavanje engleskog i lokalnog jezika

Projekat implementiraju

*Opće profesionalno iskustvo:*

- Minimalno 10 godina općeg profesionalnog iskustva, po mogućnosti rad na projektima financiranim od strane međunarodnih donatora ili organizacija

*Posebno profesionalno iskustvo:*

- Najmanje 3 godine iskustva u području upravljanja projektnim ciklusom;
- Najmanje 3 godine iskustva u području praćenja i evaluacije projekata;
- Najmanje 3 godine iskustva u području civilnog društva
- Iskustvo u području praćenja i evaluacije projekata u sektoru visokog obrazovanja smatrat će se prednostom;

## **2.4 Izvještavanje**

Angažovani\_a konsultant\_ica će biti u redovnoj korespondenciji s Ugovarateljem i obaviti potrebne konsultacije kad god je to potrebno ili na zahtjev Ugovaratelja. Nakon što konsultant\_ica dostavi nacrt Izvještaja za aktivnosti iz ugovora, Ugovaratelj može dati sugestije i komentare u roku od najviše 10 radnih dana od dostavljanja istog. Nakon zaprimanja komentara, ako ih ima, konsultant\_ica će nastojati ugraditi primjedbe i prijedloge u dokument u roku od najviše 7 radnih dana i ponovno ih poslati Ugovaratelju. Korespondencija će se obavljati putem e-maila na engleskom jeziku.

Stručnjak će isporučiti tražene rezultate u skladu s planom definiranim ovim Projektnim zadatkom. Evaluacijski izvještaj će biti napisan na engleskom jeziku.

## **2.5 Period angažmana i plaćanje**

Za provođenje ovog posla potreban je angažman u ukupnom trajanju od 14 radnih dana u periodu decembar – februar 2022. godine. Finansijska ponuda ne može preći iznos od 2.000,00 EUR (3.911,66 KM). Naknada uključuje sve troškove konsultanta\_ice.

Plaćanje će se izvršiti ukupno nakon odobrenja izvještaja o isporuci usluge.

## **3. PRIJAVA**

### **3.1 Prijava mora sadržavati:**

- ❖ Prijedlog metodologije (jasan i koncizan detaljan plan i metodologiju evaluacije),
- ❖ Finansijsku ponudu
- ❖ Pismo interesa sa referentnim brojem ponude
- ❖ CV konsultanta\_ice sa detaljnim informacijama o relevantnom prošlom iskustvu
- ❖ 2 reference s punim kontaktom

### **3.2 Ocjena prijedloga**

Ponude će se ocjenjivati uzimajući u obzir opće i specifične kriterije iskustva, prethodne reference, te iznos predložen u finansijskoj ponudi.

### **3.3 Postupak prijave**

Zainteresovani treba da pošalju Prijavu (u skladu sa 3.1) Udruženju Prava za sve na e-mail adresu: [office@pravazasve.ba](mailto:office@pravazasve.ba) sa naznakom referentnog broja.

Rok za prijavu: 18.11.2021 do 17 sati.

Ponude pristigle nakon navedenog roka za dostavljanje ponuda, neće se razmatrati

Projekat implementiraju